

ՀՈԳԵՀԱՆԳՍՏՅԱՆ ԱՐԱՐՈՂՈՒԹՅՈՒՆ ՄԱՅՐ ԱԹՈՌ ՍՈՒՐԲ ԷԶՄԻԱԾՆՈՒՄ

Հունվարի 20-ին Մայր Աթոռ Սուրբ Էջմիածնում նախագահությամբ Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսի հրնթացս Ս.Պատարագի կատարվեց հոգեհանգստյան արարողություն «Ակօս» շաբաթաթերթի խմբագրապետ Հրանտ Դինքի հոգու խաղաղության համար:

Հոգեհանգստյան արարողությունից առաջ խոսած իր քարոզում պատարագիչ Հայր Սուրբը՝ Մայր Աթոռ Սուրբ Էջմիածնի միաբան Տ. Հովակիմ վարդապետ Մա- նուկյանն ընդգծեց, որ «Հրանտ Դինքը պատկանում էր այն եզակի մարդկանց թվին, ովքեր Թուրքիայում համարձակորեն խոսում են հայ ժողովրդի արդար դատի և Հա- յոց ցեղասպանության մասին: Հրանտ Դինքը գաղափարի, մտքի, խոսքի և գրչի զին- վոր էր, որ պայքարում էր մերժողականության դեմ և որին մեր ժողովուրդն արդարա- ցիորեն դասեց Մեծ եղեռնի զոհերի թվին: Ոճրագործ գնդակը լռեցրեց նրա կյանքը, բայց ոչ երբեք հանուն արդարության և հաշտության նրա գաղափարները՝ մեկ ան- գամ ևս փաստելով, որ հային կարող են սպանել, բայց ոչ երբեք հաղթել»:

*ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ*